



BASES REGULADORAS DA CONVOCATORIA PARA A CONCESIÓN DE AXUDAS A FAMILIAS PARA MATERIAL ESCOLAR PARA O CURSO 2021/2022 DE EDUCACIÓN INFANTIL, EDUCACIÓN PRIMARIA E SECUNDARIA, FP BÁSICA, BACHARELATO, E CICLOS MEDIO OU SUPERIOR.

Estas bases teñen por obxecto regular a convocatoria pública en concorrència competitiva para a concesión de axudas destinadas a adquisición de libros de texto e/ou material escolar complementario, có fin de promover o principio e igualdade no exercicio do dereito á educación e compensar ás familias para facer fronte aos gastos derivados da escolarización dos seus fillos e fillas matriculados nos cursos de Educación Infantil e Educación Primaria, ESO, FP Básica, Bacharelato e Ciclos Formativos, todo nos termos establecidos no artigo 49 da Lei 7/1985, do 2 de abril, reguladora das bases do réxime local, no regulamento de servizos das corporacións locais, na Lei 5/1997, de Administración Local de Galicia, na Lei 38/203, do 7 de novembro, xeral de subvencións, no Real Decreto 887/2006, do 21 de xullo, polo que se aproba o regulamento da Lei 38/2003, xeral de subvencións, e na Lei 9/2007, do 13 de xuño, de subvencións de Galicia.

1.-Obxecto da convocatoria.

O obxecto destas bases consiste en regular as normas polas que rexerá a convocatoria pública de axudas a estudantes a conceder polo Concello das Somozas para compra de libros e/ou material escolar e complementario que sexa necesario para a actividade escolar. Os conceptos específicos que se subvencionan son:

- Libros escolares (incluídos os dicionarios)
- Libros de lectura necesarios durante o curso escolar.
- Material funxible (bolígrafos, cores, libretas, folios, rotuladores, tesoiras, gomas, afillalapis, carpetas, pegamento, lapis, pinceis, material de debuxo, instrumento musical, etc.) necesario para a actividade escolar.
- Mochila, estoxo e neceser. (O importe máximo neste concepto non será superior ao 50% da axuda concedida).
- Tamén se poderán mercar máscaras e/ou portamáscaras xa que previsiblemente seguirán sendo de uso obrigado nos centros escolares o próximo curso.
- Material e libros específicos para o alumnado con necesidades especiais.
- Material informático: tinta impresora, pen drives.

-Material incluído na listaxe de educación infantil distinto do material funxible (toallitas húmidas e panos).

O orzamento máximo para as devanditas axudas é de 10.000 euros con cargo á partida presupuestaria 2020.320.480.00

As axudas concedidas en virtude da presente ordenanza serán compatibles con calquera outra que se poida percibir coa mesma finalidade doutras entidades públicas ou privadas, sempre que as axudas concorrentes non superen o custo do material escolar subvencionado.

2.-Persoas beneficiarias.

Poderán solicitar esta subvención as persoas físicas pai, nai, titor/a ou familias acolledoras de un/unha ou varios menores. Estudantes maiores de idade que cursen algún dos niveis indicados.

No caso de estudantes de bacharelato ou ciclos formativos non poderán superar os 25 anos de idade nin percibir ingresos económicos procedentes do traballo.

Aos efectos destas bases, considerarase unidade familiar: os núcleos de convivencia formados polos pais/nais ou titores, fillos/fillas menores de 18 anos, e fillos/as solteiros menores de 26 anos empadroados no Concello das Somozas e no mesmo domicilio, na data de publicación desta convocatoria. No caso de divorcio, separación legal ou de feito dos proxenitores, non se considerará membro computable aquel deles que non conviva cos fillos ou fillas.

Non obstante, se é o caso, terá a consideración de membro computable o novo cónxuxe ou parella de feito, e as rendas incluíranse dentro do cómputo da renda familiar.

Nos supostos de custodia compartida incluíranse ambos proxenitores dentro do cómputo da renda familiar.

2.1.-Requisitos das persoas beneficiarias.

* Estar empadroadas/os no Concello das Somozas polo menos un dos pais ou titores legais así como as/os alumnas/os para os que se solicite a axuda.No caso de alumnas e alumnos maiores de idade será suficiente con que estea empadroado no Concello o estudante que solicita a axuda.

* A solicitude será formulada por pai, nai, titor/a da/o alumna/o cando sexan menores de idade. No caso de estudantes maiores de idade deberán tramitar a solicitude ao seu nome.

* A/o alumna/o debe ter escolarización durante o curso escolar 2021/2022, nalgún dos niveis descritos nun centro de ensinanza pública .

* Non ter débedas co Concello das Somozas.

*Cumprir os requisitos establecidos no artigo 13 da Lei 38/2003 do 17 de novembro, Xeral de Subvencións e 10 da Lei 9/2007, so 1

* Non superar os ingresos, en particular a suma das bases impositibles do IRPF (recuadros 435+460) dos membros que integran a unidade familiar. que establece o baremo económico seguinte :

Número de membros da unidade familiar	Límite de renda anual familiar
Unidade familiar de 2 membros	4 x IPREM (31.634,4 €)
Unidade familiar de 3 membros	5 x IPREM (39.543 €)
Unidade familiar de 4 membros	6 x IPREM (47.451,6 €)
Unidade familiar de 5 membros	7 x IPREM (55.360,2 €)
Unidade familiar de 6 membros	7,5 x IPREM (59.314,5 €)

3. Procedemento da solicitude.

3.1.- Lugar. As solicitudes presentaranse xunto coa documentación correspondente no Rexistro Xeral do Concello ou na Sede Electrónica do Concello das Somozas, utilizando o formulario específico desta convocatoria .

3.2.- Prazo. As solicitudes presentaranse no prazo de 20 días naturais a contar dende o seguinte á publicación destas bases no BOP.

Este prazo entenderase sen prexuízo do prazo de dez días hábiles, que se concederá no caso de presentación de documentación incompleta ou defectuosa para a súa rectificación, quedando apercibido que de non facelo así, terase por desistido e archivaranse as actuacións sen máis trámite, conforme ao previsto no artigo 68 da Lei 39/2015, de 1 de outubro, do Procedemento Administrativo Común das Administracións Públicas.

3.3.- Documentación a presentar:

1.- Solicitude segundo o modelo establecido.

2.- Fotocopia do D.N.I. do/a solicitante, parella ou cónxuxe e fillos/as.

3.- Fotocopia do/s Libro/s de Familia (completos).

4.- Declaración do IRPF do exercicio 2020 (completa) do/a solicitante e cónxuxe/parella. No caso de non presentala, Certificado de Imputacións de Rentas expedido pola Axencia Estatal de Administración Tributaria.

5.- Xustificante da matrícula do presente curso, ou certificado do Centro Educativo.

6.- Declaración do conxunto de tódalas solicitudes efectuadas ou concedidas para a dita finalidade das distintas administracións públicas ou organismos privados competentes, segundo o modelo establecido.

7.- Certificados de atoparse ao corrente nas obrigas tributarias en xeral e, en concreto co Concello das Somozas, e coa Seguridade Social, e de estar ao corrente no cumprimento de

obrigas por reintegro de subvencións; ou autorizar ao Concello a obter esta información, segundo o modelo establecido.(Unha por cada proxenitor/a). Inclúe autorización para comprobar os datos da unidade de convivencia no Padrón Municipal.

8.- Declaración responsable de non estar incurso en ningunha das causas de prohibición para obter subvencións que se establecen no artigo 13.2 da Lei 38/2003 xeral de subvencións, e de non ter pendente de xustificar ningunha subvención concedida polo Concello das Somozas, segundo o modelo establecido.

9.- Se é o caso, documentación acreditativa da ausencia do fogar familiar dalgún dos proxenitores: familia monoparental (con certificado acreditativo), separación/divorcio, viuvez, orfandade, etc.

11.- Certificación bancaria do número de conta onde se vaia facer o ingreso da axuda concedida, terá que ser titular a persoa solicitante.

12. Certificado de discapacidade da/o alumna/o para a que se solicita a axuda.

NOTA.- As persoas solicitantes deberán achegar só os orixinais dos documentos, realizándose no Rexistro Municipal copia de ditos documentos no momento de presentar a solicitude.

4.- Contías das axudas.

4.1.- Para alumnado de Educación Infantil, Primaria ,ESO e FP Básica

Ata a metade do límite de renda marcado para cada unidade familiar (según a tabla do punto 2), a axuda será de 100 euros.

Entre a metade e o máximo permitido para cada unidade familiar (según a tabla do punto 2), a axuda será de 50 euros.

Número de membros da unidade familiar	Ata a metade do tope (100 €)	A partir da metade ata o máximo permitido (50 €)
2 membros	Ata 15.817,2 €	Dende 15.817,3 € ata 39.543 €
3 membros	Ata 19.771,5 €	Dende 19.771,6 € ata 37.597,95 €
4 membros	Ata 23.725,8 €	Dende 23.725,9 € ata 47.451,6 €
5 membros	Ata 27.680,1 €	Dende 27.680,2 € ata 55.360,2 €
6 membros	Ata 29.657,25 €	Dende 29.657,26 € ata 59.314,5 €

4.2.- Para Bacharelato e ciclos formativos

Ata a metade do limite de renda marcado para cada unidade familiar (según a tabla do punto 2), a axuda será de 140 euros.

Entre a metade e o máximo permitido para cada unidade familiar (según a tabla do punto 2), a axuda será de 70 euros.

Número de membros da unidade familiar	Ata a metade do tope (140 €)	A partir da metade ata o máximo permitido (70 €)
2 membros	Ata 15.817,2 €	Dende 15.817,3 € ata 31.634,4 €
3 membros	Ata 19.771,5 €	Dende 19.771,6 € ata 39.543 €
4 membros	Ata 23.725,8 €	Dende 23.725,9 € ata 47.451,6 €
5 membros	Ata 27.680,1 €	Dende 27.680,2 € ata 55.360,2 €
6 membros	Ata 29.657,25 €	Dende 29.657,26 € ata 59.314,5 €

4.4.- Si a/o alumno para a/o que se solicita a axuda ten recoñecida pola Xunta de Galicia un Grao de Discapacidade igual ou superior a un 33%, recibirá a contía máxima correspondente ao curso no que está matriculado e non haberá límite de ingresos.

4.5.- De non existir crédito suficiente, reducirase a contía das axudas en igual proporción a todas as solicitudes que sexan beneficiarias.

5.- Obrigas dos/as beneficiarios/as.

Son obrigas dos/as beneficiarios/as:

- Presentar debidamente cuberta a documentación requirida no prazo sinalado.
- Xustificar ante o Concello das Somozas o cumprimento dos requisitos e das condicións, así como a finalidade que determine a concesión da subvención.
- Non ter pendente de xustificar ningunha subvención concedida polo Concello das Somozas.
- Someterse ás actuacións de comprobación e control que sexan debidamente requirida polos órganos municipais, proporcionando canta información lles sexa requirida no exercicio de ditas actuacións.

- Comunicar ao órgano concedente a obtención doutras subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza.
- Acreditar, no momento da solicitude, que está ao corrente no cumprimento das súas obrigas tributarias e fronte á Seguridade Social e no cumprimento de obrigas por reintegro de subvencións, ou autorizar ao Concello das Somozas e obter a información.
- Conservar os documentos xustificativos da aplicación dos fondos recibidos.
- Proceder ao reintegro dos fondos públicos percibidos nos supostos contemplados no artigo 37 da LXS.
- Que as/os menores de 16 anos estén debidamente escolarizados e non teñan aberto expedientes por absentismo escolar. (O Concello pode requirir aos solicitantes que xustifiquen este punto con informes ou certificados do centro educativo)

6.- Procedemento.

- A instrución do procedemento corresponderalle á Comisión Avaliadora, que estará constituída polo Alcalde, ou concelleiro en quen delegue, que actuará como presidente; o Secretario-Interventor ou funcionario/a en quen delegue, que actuará como secretario e a Traballadora Social ou funcionario/a en quen delegue, que deberán avaliar as solicitudes presentadas e requirir as subsanacións que procedan para que as mesmas cumpran os requisitos esixidos nas presentes bases. O prazo será de dez días improrrogables; no suposto de que os defectos se consideren non subsanables, o órgano instructor propondrá a inadmisión.
- Avaliadas as solicitudes, emitirase proposta de resolución na que se indicará a concesión ou non e a contía da axuda.
- O Alcalde resolverá sobre a concesión ou denegación das axudas . A resolución conterá a relación dos beneficiarios e os importes das axudas, así como as solicitudes desestimadas coa motivación que proceda.
- A Resolución provisional de concesión publicarase no Taboleiro de Anuncios do Concello e na web municipal unicamente có número do documento de identidade que as persoas solicitantes puxesen na súa solicitude, concedéndose un prazo de 10 días naturais para presentar alegación e/ou emendar documentación.

Nesta listaxe provisional reflectiranse todas as solicitudes: as completas, as denegadas e as pendentes de emendar documentación, advertindo neste último caso que, de non corrixir os erros da documentación no prazo estipulado, quedarán denegadas.

- A resolución definitiva que se adopte e as listaxes de solicitudes concedidas e denegadas serán así mesmo publicadas na mesma forma que a resolución provisional. A publicación das resolucións neste procedemento substituirá ás notificacións persoais, tendo os mesmos efectos ao contar có contido esixido no artigo 45 da lei 39/2015, de 1 de outubro, de procedemento administrativo común das administracións públicas.

7.- Xustificación e pago.

1. Unha vez publicada a resolución coa concesión definitiva, as familias e/ou persoas beneficiarias terán un prazo máximo de 20 días naturais para xustificar as axudas concedidas.

2. Documentación xustificativa:

A documentación que haberá de presentarse para a xustificación é a seguinte:

- Relación dos gastos e facturas por importe igual ou superior á axuda concedida (modelo nos anexos)

- Facturas xustificativas dos gastos realizados en concepto de libros e material escolar. Na factura deberá figurar: núm. de factura, data de emisión, razón social, enderezo, CIF da empresa, descrición dos conceptos e importes e nome e apelidos do cliente que deberá coincidir coa persoa solicitante e beneficiaria da axuda.

- Serán admitidas facturas emitidas a partir do 1 de agosto de 2021

- Rematado o prazo para a xustificación, comprobada a documentación aportada e que se foi cumprido o obxecto para o que foi concedida a axuda, procederáse ao pagamento

8.- Confidencialidade.

Segundo o disposto na Lei Orgánica 3/2018, de 5 de decembro, de Protección de Datos Personais e garantía dos dereitos dixitais e no artigo 6.3.f da Lei 13/2008, de servizos sociais de Galicia, garantiráselle ás persoas usuarias dos servizos sociais o dereito "á confidencialidade, ao sigilo e ao respecto con relación aos seus datos persoais e coa súa información que sexa coñecida polos servizos sociais en razón da súa intervención profesional...".

9.- Publicidade.

O Concello das Somozas dará publicidade da presente convocatoria e bases no Boletín Oficial da Provincia, no Taboleiro de edictos, e na web municipal.

Asdo.

SR. ALCALDE-PRESIDENTE DO CONCELLO DAS SOMOZAS

